

Klub SDP BiH
Zastupnica Jelena Pekić

Sarajevo, 28.03.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Ministarstvu zdravstva Kantona Sarajevo i JU Zavod za bolesti ovisnosti KS

Za formiranje odjeljenja za primjenu mjere sigurnosti obaveznog liječenja od ovisnosti u zdravstvenoj ustanovi JU Zavod za bolesti ovisnosti Kantona Sarajevo, uključujući poseban odjel za maloljetnike.

OBRAZLOŽENJE:

Shodno generalnom porastu broja krivičnih djela povezanih s upotrebom opojnih droga i ovisnošću o alkoholu među društvom ne samo u BiH, nego i šire, problem primjene mjere sigurnosti obaveznog liječenja od ovisnosti postaje sve značajniji, kako bi se smanjio broj ponovnih počinjenja takvih krivičnih djela, ali i pružila podrška i adekvatan tretman pojedincima koji se bore s ovisnošću.

U skladu s tim, iniciram formiranje odjeljenja za primjenu mjere sigurnosti obaveznog liječenja od ovisnosti u zdravstvenoj ustanovi pri JU Zavod za bolesti ovisnosti Kantona Sarajevo, a ovo odjeljenje bi trebalo obuhvatiti i poseban segment posvećen maloljetnicima, pružajući im specijaliziranu i individualiziranu zdravstvenu njegu u skladu s njihovim potrebama.

Ovakvo obavezno liječenje od ovisnosti može se izreći učinocima koji su krivična djela učinili pod odlučujućim djelovanjem opojnih droga ili ovisnosti od alkohola ukoliko postoji opasnost da će zbog te ovisnosti i ubuduće činiti krivična djela, te je upravo zbog toga implementacija ove inicijative važna kako bi na ispravan način pristupili liječenju ne samo posljedice, već i uzroka takvih ponašanja. **Dodatno, upravo ova mjera planirana je i novim Akcionim planom za borbu protiv prestupništva mladih u Kantonu Sarajevo.**

Na ovaj način omogućavamo sistematičan pristup liječenju osoba koje su počinile krivična djela pod uticajem opojnih droga ili alkoholne ovisnosti, što bi direktno doprinijelo smanjenju i prevenciji budućih krivičnih djela. Osim toga, pruža se prilika za multidisciplinarni pristup u

liječenju ovisnosti, uključujući medicinske, psihološke i socijalne intervencije u svakoj dobi, a s naročitim naglaskom za odvojen odjel za maloljetnike.

Molim Vas da odgovor na inicijativu dostavite pismeno u elektronskoj formi na službeni mail jelena.pekic@skupstina.ks.gov.ba.

S poštovanjem,

Jelena Pečić
Zastupnica u Skupštini Kantona Sarajevo